

Arkiv: <arkivID><jplID> FE-076
JournalpostID:
Sakshandsamar:
Dato: 12.05.2021

Saksframlegg

Saksnr.	Utval	Møtedato
031/21	Utval for oppvekst, kunnskap og kultur	08.06.2021

Kulturstipend 2021

Rådmannen sitt framlegg til vedtak:

Utval for oppvekst, kunnskap og kultur deler ut kulturstipend til følgjande aktørar:

- Morten Sæle: 30 000,-
- Arian Pedersen: 30 000,-
- Ulrik Kierulf Haugland: 10 000,-

Utval for oppvekst, kunnskap og kultur 08.06.2021:

Handsaming:

Rådmannen sitt framlegg vart samrøystes vedteke.

OKK- 031/21 Vedtak:

Utval for oppvekst, kunnskap og kultur deler ut kulturstipend til følgjande aktørar:

- Morten Sæle: 30 000,-
- Arian Pedersen: 30 000,-
- Ulrik Kierulf Haugland: 10 000,-

Politisk handsaming

Saka skal avgjerast i utval for oppvekst, kunnskap og kultur

Bakgrunn

Alver kommune deler kvart år ut opptil tre kulturstipend med ei øvre grense på 30 000,-. Kulturstipendet skal gå til kunstnarar/kulturutøvarar som er registrert i Alver kommune, har si verksemd i Alver, og som har heile eller delar av si inntekt frå kunstnarisk eller kulturell verksemd. Stipendet skal stimulere til lokal kulturutvikling og lokale kulturopplevingar.

Stipendet skal gå til følgjande tiltak:

- Utvikling av lokalt kulturliv i samarbeid med aktørar frå lokal amatørkultur, som leiar fram til eit ferdig produkt, aktivitet eller framsyning.
- Kunnskapsoverføring mellom profesjonelle aktørar og lokalt amatørkulturliv.
- Eigenutvikling og auking av kompetanse som kjem det lokale kulturlivet til gode.
- Prosjekt som stimulerer og sikrar overføring av lokal kunnskap og kultur, og immateriell kulturarv.
- Aktuelle uttryksformer er musikk, dans, scenekunst, litteratur, biletkunst, kunsthåndverk og film/media.

Saka skal på høyring til Alver kulturråd.

Saksopplysninger:

Saka har vore til høyring hjå Alver kulturråd. Uttalen frå kulturrådet omtalar ikkje nokon av søknadene i denne saka. Høyringsuttalen ligg ved.

Det har kome inn 3 søknadar om kulturstipend til Alver kommune for 2021:

- Arian Pedersen
- Morten Sæle
- Ulrik Kierulf Haugland

Arian Pedersen

Pedersen er 19 år gamal og for tida elev ved brassband-linja på Manger folkehøgskule. Han har tidlegare spelt i Sæbø skulemusikklag og spelar no for Kleppe Musikklag. Pedersen har skrive nokre musikkstykke og fått prøvd seg som dirigent ved fleire høve. Pedersen ynskjer å halde fram med å komponere musikk som kan glede både unge og eldre musikantar. Han vil utvikle speglede ved å skrive musikk for korpsa og sjølv vere dirigent. Pedersen ynskjer å bruke eit stipend på mellom anna noteskriveprogrammet Sibelius. Programmet, i tillegg til innkjøp av utstyr som høgtalarar, mikrofonar, dirigentpinnar og instrument, vil vere verdifulle reiskap som vil bidra til eigenutvikling som muskar.

Vurdering

Arian Pedersen er eit ungt musikk talent frå Alver. Han held for tida til i kommunen og ynskjer å satse vidare som komponist. Pedersen vert skildra av sine tidlegare lærarar som ein elev med ein «sjeldan begavelse». Han får varme anbefalingar frå lærarar og etablerte dirigentar. Pedersen ynskjer å fokusere på eigenutvikling og aukinga av kompetanse, som kjem det lokale kulturlivet til gode gjennom samarbeid med korps i kommunen. Dette står godt til målet med stipendordninga, og sjølv om Pedersen ikkje enno kan skimte med å ha heile si inntekt frå kunstnarisk verksemd, ynskjer Alver kommune og støtte eit ungt talent på vegen vidare mot målet med eit stipend til etableringsfasen på 30 000,-

Morten Sæle

Morten Sæle søker Alver kommune om kulturstipend for sitt verke som kunstnar og fotograf. I søknaden skildrar han arbeidet med verket «Forkynnen». Prosjektet er ei multimedia-framsyning med foto, video, tekst og musikk. I tillegg kjem eit foredrag på om lag 20 minutt om bakgrunn og gjennomføring, Sæle sine tankar kring sjølve prosjektet, og ei fotoutstilling med 18 fotografi i stort format. Prosjektet er basert på og inspirert av boka «Forkynnen» av Jan Roar Leikvoll, som vaks opp på Frekhaug i Alver kommune. Hovudkarakteren er basert på Leikvoll sin bestefar, Johannes Leikvoll, som òg har stilt opp som modell på Sæle sine fotografi.

Sæle skal arrangere tre ulike framsyningar/utstillingar i Alver. Han har vore i dialog med ulike lokale galleri som er interesserte i å huse eit arrangement, som Galleri Rustica og Galleri Songfuglen. Sæle er i tillegg i dialog med Nordhordland kunstlag om å få til eit arrangement for dei med framsyning og høve for kunnskapsoverføring.

Vurdering

Morten Sæle er fotograf og har heile si kunstnariske verksemd i Alver. «Forkynnen» er godt utarbeidd og gjennom prosjektet både stimulerer og sikrar han overføring av lokal kunnskap og kultur, og immateriell kulturarv. Sæle vil sørge for kunnskapsoverføring mellom han, som profesjonell aktør, og det lokale kulturlivet gjennom samarbeid med Nordhordland kunstlag. Alver kommune ynskjer å støtte Sæle i utviklinga av sit kunstnarisk verk som ei oppmoding om å halde fram med sit kunstnarlege verke i kommunen med eit stipend på

30 000,-

Ulrik Kierulf Haugland

Ulrik Kierulf Haugland er 23 år og kjem frå Bøvågen på Radøy. Haugland har drive med musikk i 10 år og jobbar no med eit soloprojekt under artistnamnet «Kald Flamme». Haugland skriv tekster og syng melodisk rap på strilemål med mange lokale ord og uttrykk. Haugland studerer for tida i Oslo, men har vore aktiv med fleire konsertar i Alver dei siste åra.

Haugland ynskjer å nytte eit stipend til innspeling, miksing og mastring av albumet «ÅRET» i tillegg til ein musikkvideo spelt inn på Lilletveit i Bøvågen. «ÅRET» tek for seg ein song for kvar månad og singlane vil bli slept til sin tilhøyrande månad. Albumet vil bli publisert gjennom Oslo Records og Universal Music som han har samarbeidd med i over 3 år. Om smittesituasjonen tillèt det, ynskjer han å halde ein slepp-konsert i Knarvik eller på Radøy.

Vurdering

Ulrik Kierulf Haugland viser til soloprojektet «Kald Flamme». Albumet «ÅRET» er interessant skildra og vil følge lyttaren gjennom heile året. Haugland bur for tida i Oslo og oppfyller ikkje målet med å drive si kunstnarisk verksemd i Alver. Likevel bidreg Haugland med å ta «strilamålet» ut i verda gjennom tekstene sine på dialekt. Haugland er eit ungt talent som ein gjerne vil sjå meir av og Alver kommune vil støtte Haugland vidare i etableringsfasen med eit stipend på 10 000,-

Vedlegg i saken:

01.06.2021

Alver Kulturråd - uttale fordeling kulturmidlar 2021

1563901